

METROMAHALA

## Sedma soba: Dirljiv i nesvakidašnji performans



09. 11. 2012. u 11:16:22

Radiosarajevo.ba

"Performativna umjetnost je dio savremene umjetnosti, likovna umjetnost odavno nije samo štafelajna, nego se izražava u više medija i ovo je prilika da Umjetnička galerija ide u korak s vremenom i radujemo se da možemo imati jedan umjetnički događaj ove vrste u galeriji. Želimo da Umjetnička galerija bude centar okupljanja svih dobrih ideja", riječi su direktora Umjetničke galerije **Straje Krsmanova** o jedinstvenom performansu '**Sedma soba**', Udruženja Kontakt, čija je premijera održana u srijedu, 7. novembra 2012. u Umjetničkoj galeriji BiH.

Projekat Sedma soba je **izložbeno-scenski performans** u kome učestvuju **glumci i glumice: Ermin Bravo**, Maja Izetbegović, Džana Pinjo, Jasenko Pašić, Boris Ler i Alban Ukaj i **članovi i članice Doma za zdravo starenje**: Suada Filipović, Dika Karup, Nezaheta Hadžović, Mujo Poprženović, Mubera Koš, Nazifa Duran i Mehmed Avdić. Također, autorski tim projekta čine i Selma Spahić, Mirna Ler, Ira Isović.

Publika je imala priliku uživati u **putovanju kroz šest soba** u kojima glumci/e zajedno sa članovima/icama Centra za zdravo starenje oživljavaju **fragmente svojih sjećanja**.

Ne krijući oduševljenje i emocije, publika je performans ocijenila kao **dirljiv, plemenit, značajan i nesvakidašnji**. Premijeru su svojim prisustvom, između ostalih, podržali Dino Mustafić, Danis Tanović, Tatjana Šojić, Tanja i Stjepan Roš, Strajo Krsmanova, Adisa Bašić, Sulejman Bosto, Nihad Kreševljaković i Jelena Kordić Kuret.

**Prva repriza** performansa će se održati **12. novembra** u Umjetničkoj galeriji BiH, i to u dva termina - u 20.00 i 21.00. Zbog specifičnosti prostora broj gledalaca je ograničen na 30, tako da je **neophodna prethodna rezervacija** karata na broj telefona 063 492 694 ili na mail: kontaktudruzenje@ymail.com

Rezervisane ulaznice preuzimaju u **Umjetničkoj galeriji BiH** u subotu od 12-14h i ponedjeljak od 16-19h.

Vezano:

[Sedma soba: Projekat za osobe treće životne dobi](#)  
[Ermin Bravo u projektu 'Sedma soba'](#)

### OSTALO IZ RUBRIKE



Sarajevo / Gazi Husrev-begova biblioteka obilježava 484. godišnjicu osnivanja i rada

0 20

1 min



Poslušajte / Dvije sjajne umjetnice, obje s imenom Belma, objavile online koncert

0 8

1 min



Kultura / Predstava "Nigdje nikog nemam" na sceni Sarajevskog Ratnog Teatra

0 2

1 min

Sva prava pridržana.

Zabranjeno preuzimanje sadržaja bez dozvole izdavača.